

吉安府志卷之二十五

中憲大夫知吉安府事

儒行傳

宋

劉清之

王端禮

王庭老

曾民瞻

羅濬

李槩

王子竣

蕭楚

李次魚

胡箕

羅士友

吳鄒

楊叔方

劉友益

吉安府志

儒行傳

劉清之字子澄廬陵人家貧力學博極群書登紹興

二十七年進士授父興簿改建德簿將復應博學

弘詞科及見晦菴先生惕朕愧舊學非是盡焚所

業慨朕有志義理之學往謁呂祖謙留數月乃云

歷調高安丞帥龔茂良以掾荒實跡聞于朝又偕

諸公薦之發運使史正志按部督州縣畸零之賦

清之不可會有同年生在幕中謂曰侍郎將薦子

矣其以閔闕來清之移書同年生日所謂贏資者

非有術能致鬼輸實侵刻於民法當禁幸侍郎請

上則孰不願出侍郎門下如不朕清之賤品誠亦不敢溷侍郎知人之鑒後竟以薦者兩有審察之命入朝不見丞相徑詣銓司第得授安黃縣茂良入參知政事復與丞相周必大薦于孝宗召對首論民困兵驕大臣退託小臣苟媮又言用人四事一辨賢否二正名實三使才能四聽換授改大常寺主簿服除通判鄂州鄂俗規利尚鬼病不藥舉以聽巫死不埋塋而畀諸火清之爲示曉民民稍益從禁差權遣發常州改衡州居郡有報白率自

書之不以與吏嘗作諭民書一編其指簡質易從衡人家有其書每於月講設酒肴瓊諸生相與論學遠近來者滋衆則又增築臨蒸書院士亦彬彬向文學矣先是郡飭厨傳以事常平刑獄二使者月一會集互致折餽清之笑曰人臣奉法遵職毋作毒下民卽所以事上官者禮脩甚焉在以飲食財物溷瀆爲勤哉卒以此忤使者使者讒之臺臣竟論罷予祠歸築室授徒廷臣多薦之光宗卽位起知袁州而疾作猶貽書執政論國事諸生往候

疾不廢講論及周必大來謂曰子澄其澄慮清之  
氣息已微云無慮可澄遂卒晦菴哀之甚悼學者  
稱爲靜春先生平生篤行信物從父兄多落異鄉  
必迎致養高安有李好古者以貲雄結訟其族人  
清之爲說訟家人二卦好古愧悟釋事市程氏易  
歸卒爲善士所著有曾子內外雜篇訓蒙新書戒  
子通錄等書

王端禮字懋甫吉水人登元祐三年進士時黃庭堅  
爲叅詳官亟稱其試論初授連州桂陽尉進富川

吉安府志  
儒行傳  
三  
吉

今皆行其所學端禮平雅謹厚不妄言笑進退動  
止皆有法度嚮慕濂洛之學慨朕以斯道自任探  
索究極思以身體之不徒爲言語文字之工年四  
十表求致仕築別墅於南山延四方來學之士所  
著有強仕集論語解易解疑欲集茶譜字譜

王庭老廬陵人博綜群籍於禮學尤邃晚年官嶺南  
會徽宗脩辟雍制先聖冕服博議無準廷臣言庭  
老於是自賓州驛召至爲禮制局檢討卒用其議  
曾民瞻字南仲永豐人登宣和三年第少通天文之

學初爲南昌尉以郡之晷漏有差請用其法更定  
遂範金爲壺刻木如箭壺後置兩盆一斛壺之水  
資於盆盆之水資於斛其一注水則爲銅蚪張口  
吐之箭之傍爲二木偶左者晝司刻夜司點其前  
設鐵板每一刻一點則擊板以告右者晝司辰夜  
司更其前設銅鈕每一辰一更則鳴鈕以告又爲  
二木晷其一用水爲之以測晷景其一用水轉之  
以法天運制作精密今江西諸郡間有用其法度  
者乃其所傳也其晷景晷自謂得古人所未至夜  
書傳于世

吉安府志

儒行傳

四

吉

羅濬字明甫龍泉人與弟克開自爲師友從學常百  
餘人常曰古之學者下學上達今文雖小技自有  
上達之理但爲科目所累判本末爲兩途耳胡忠  
簡銓見而奇之謂其操履議論有古人風云

李槩字仲承吉水人安貧力學爲文務爲驚人語旣  
屢舉不偶遂厭故業雅志篤實之學釀郁六經訓  
釋論孟屢能發所未發當時才人如蕭伯承王才

臣與其族子天麟往復質疑必以仲承爲宗稱爲  
鄉先生而不名仲承特身謹治家嚴孝事繼母友  
愛異弟人無間言嘗教授里中所收束脩必顧其  
資之可成者否則却之官止武岡贛縣二縣主簿  
迄以貧終誠齋文節公銘其墓

王子俊字材臣吉水人幼有文名從誠齋益國二公  
游二公稱爲畏友年十七作史論誠齋序之有老  
氣橫九州毫髮無遺恨之語晦菴聞其名遺書勉  
以博取約守之功于是又以事二公者事晦翁議

吉安府志

儒行傳

五

古

論問答作師友緒言門人楊長孺曾煥序次成編  
寧宗朝內外臺列交薦補文學次補廸功郎黃籌  
若帥蜀辟爲屬官官滿丞相安丙以書抵黃欲爲  
蜀人借留力辭以歸闢三松書院於南山下中爲  
振古堂左爲莊敬日疆齋右爲格齋晦菴深喜格  
齋二字之義大書而志之

蕭楚字子荆泰和人其歿也門人胡銓私謚之曰清  
節故稱清節先生少從舅氏羅栝學苦二十年不  
急仕進紹聖間留大學時方較聲律楚學窮經尤

喜春秋淮海孫氏伊川程氏皆以三傳聞受業者  
常千人楚往質疑歸著經辨四十九篇衆高之謂  
必名家爭師事焉自思毋老及見蔡氏方盛遂慨  
然引還貽其從游馮澥書謂蔡氏必召亂誓不復  
仕嘗遊巴峽甌粵之間其氣愈豪自漢唐迄宋習  
春秋者槩僻于傳而楚獨以經授弟子至百餘人  
朕其能通曉大義者三四而已銓登甲科爲春秋  
第一歸拜床下楚曰學者非但拾一第止耳身可  
殺學不可辱無禍吾春秋銓後歷兵工部侍郎龍

吉安府志

儒行傳

六

吉

圖閣學士以諫議顯楚有力焉初楚旣聘邑富家  
子其父母背盟將改嫁之女子聞而自縊以死楚  
義之誓不娶晚年銓延致家塾卒葬其里永樂赤  
岡

李次魚字真卿吉水人爲長沙酒正博學力行有味  
乎古先聖賢意旨名其公館曰復齋政餘齋中焚  
香漱盥取周易論語大學中庸讀之充朕有德愉  
愉如也初不知爲官之樂亦不知古人之遠楊誠  
齋取易不遠復之義記之晦菴張南軒皆相勉以

詩其人槩可知矣

胡箕字斗南廬陵人忠簡從子也通覽該博紹興十三年以中選入國學凡游成均者知其姓名曰是脩身安分通經而瞻於文者皆願結交焉後授迪功郎監南嶽廟箕性篤孝友父歿免喪櫛哀冠於墓次遇忌日及歲時上冢服之哭盡哀居大學時毋故無恙卽謁省徒步數千里不憚勞平生服用廉簡一飯不苟就於人與人交謙恭信誠居無惰容無戲言鄉里有不善惟恐其知忠簡公帥家以

吉安府志

儒行傳

七

嚴見憚群從獨於箕加禮焉所著二傳會例并遺稿各三十卷

羅士友字兼善一字晉卿世爲廬陵之新安人士友生五歲容止去幼度未弱冠喪父卽取先逋券焚棄之曰迫人非仁也人有急亟振之有負之者無少動於色从之自悔愧其人且死而士友益恩恤其妻子士友爲人謹約旦起盥櫛畢危坐堂中終日不惰倚雖盛寒暑以爲常端靜對賓客賓客或不能自持閨中無敢疾譁女隸無敢近凡席由是

里之言家法者皆曰羅氏遺文有史編及諸家詩體

吳鄴永新人宋末兵亂避仇轉徙山西改姓名張應珍自號義山先生示不忘其故土著周易宗程朱而不爲苟同如參天兩地而倚數鄴以爲本義天圓地方圓者一而闡三三各一奇方者二而闡四四合而耦似費擬議蓋五生數之中天數一三五凡參地數二四凡兩故聖人參兩之以倚數八卦之象乾坤天地以大虛言之也震巽天地之長男

吉安府志

儒行傳

八

吉

女爲雷風有氣無形坎離天地之中男女爲水火有形無質艮兌天地之少男女爲山澤有質確定矣其說頗有據元駙馬都尉高唐郡王濶里吉思嘗從之質疑焉爲刻其書於平陽路且序其里居爲詳書今藏秘閣

楊叔方吉水人號學睡先生忠襄從孫也少傳劉靜春之學著五經辯曆法五行等書行于世在太學與諸生書辯賈似道之奸鄧中齋文丞相皆贈之詩四方學者爭造其門以經學授清江范德機以



曆志授寧都習吉翁習曆至今用之

劉友益永新人家貧力學嘗為人傭書以給膏火或竟夕危坐默誦不少休積十數年經傳子史天文地志律曆象數靡不淹貫宋末兵亂卜築山間不與世接著通鑑綱目書法五十九卷揭文安公序之謂昔之知春秋莫如朱子世之言綱目者非深知朱子意如朱子之知春秋者不能言能言未有若劉子綱目書法者也書法之作積勤三十年寸較銖評其微詞隱義不但啓千載之秘中蓋有亡

吉安府志

儒行傳

九

吉

窮之憂其志可謂遠也已矣為人外通內介神情瀟然年八十五卒揭公復為之銘其墓居邑西水窓學者稱為水窓先生

元

劉霖

黃瑞節

彭復初

劉詵

彭絲

劉瑾

劉諤

李心原

劉霖字雲章安福人自幼聰敏絕倫嘗從虞集學集曰君所造非我所能及也至正丙申舉于鄉值時多難辭榮不仕會寇陷安成避地泰和以所學授

人 國初徵不就霖沉潛義理豐茂宏達撰執尤  
表表其文純粹正大所著有四書纂釋大極圖解  
雲章摘稿其動靜玄渾歲會數原諸篇深有補于  
理學晚卒于泰和

黃瑞節字觀樂安福人嘗舉鄉試授泰和州學正元  
季遂不仕隱居力學精思苦志邃於理學嘗萃朱  
子所著大極圖通書西銘正蒙易學啓蒙家禮津  
呂新書皇極經世諸書并加註釋曰朱子成書以  
傳

吉安府志

儒行傳

十

吉

彭復初安福人自幼卽屏去舉子業一以聖賢爲師  
法晚年尤精於易範本邵朱之說著易學源流郡  
邑諸名士多出其門

劉詵字桂翁吉水人幼失父脩德植行不爲世俗好  
尚之所搖奪事諸父及諸昆弟恭敬友愛先世恒  
產悉推以讓之居家處鄉有古君子風素以師道  
自居教學者有法聲譽日隆江南行御史臺交薦  
不報其爲文根抵六經躡躐百家淳澆演迤資深  
德弘雖未嘗露其雋傑廉悍踔厲風發之狀韜玉

在石白虹之氣自不可掩抑四方求文者縱屬子門其所著有桂隱集

彭絲字魯叔安福人宋江陵教授端素先生應龍之子兄齊叔亦有學名魯叔尤該博貫穿百氏洞明律呂之學所著有等經圖釋九卷黃鍾律說八篇禮記集說四十九卷有庖易春秋辨疑等書劉岳申志其墓盛稱其律呂之學人不可及云

劉瑾安福人淹貫經史留心理學晚更肆力治詩其說宗朱子而間出其所得又考正諸國世次作吉安府志  
儒行傳  
十一  
吉  
者時世察其源流辨其音韻審詩樂之合窳刪定之由爲詩傳通釋能闡發朱子之蘊纂脩大全多採入焉

劉諤字公榮泰和人方髫鬣聲律辭賦多立就同學年倍者多事嬉遊諤獨正色危坐卽誦自若比長涉獵百氏大肆力於文嘗曰爲學用志專則其應不窮耳目所得非自得也作省身八箴授學者作善惡二箴以自省三舉不偶或勸閱時文謝曰經通則理明理明則辭順爲學當務己豈能踵他人

故武以趨利達哉病革之日家人問欲言因命扶掖端坐即誦朱子小學題辭一過而卒

李心原吉水人師事草廬吳先生通五經尊信朱氏之學屢舉不第教授于鄉操持端潔有古人風翰林李祁讀其遺文至所與宗人舉義禡誓之文及上郡將言兵書流涕嘆息以謂當時郡縣之吏儻皆如李心原所見內自結其民何亂不平惜抱連城之珍而無明時一日之幸其惓惓憂國猶若是可不謂賢矣夫

吉安府志

儒行傳

十二

吉

明朝

陳謨

劉髦

劉觀

李宗棻

李中

郭應奎

彭簪

甘公亮

尹一仁

賀鈞

周祿

周子恭

劉教

趙弼  
尹轍

王釗

康良材

王翥

王舜鵬

曾于軋

鄒士元

郭春渠

周賢宣

歐陽瑜

陳謨字一德泰和人學者稱海桑先生洪武初正至京師一賜坐議禮學士宋濂待制王禕文章請留為國子師以式國人引疾辭歸家居教授屢應聘

爲江廣考試官所拔士往往知名自幼能詩文初習周易後兼通詩書三禮諸傳旁及子史百家涉流探源辯析緯駁犁狀歸于至當雖不願仕而於當時之務一一籌諸胸中有扣如響嘗謂學必敦本莫加于性莫重于倫莫先于變化氣質若禮樂刑政錢穀甲兵度數之詳皆所當講一時經生學子靡狀從之惰者作拘者暢塞者通天下之士皆曰大江之西有大儒焉海桑先生是也事親至孝晨昏省定之禮其旨滫瀡之奉不懈益處其于弟

友愛尤篤於黨中有爲不善不敢使聞所著有海桑集書經會通詩經演疏其若干卷宋學士諸公初見其文評之曰湯盤禹鼎器之古也大羹玄酒味之正也惟智者知之楊文貞公有詩曰純明程伯子灑落邵堯夫或曰其爲人似云

劉髦字孟恂永新人兒時卽能通經史大義長益勵學嘗受易於廬陵謝子方子方大奇之旣領鄉薦魁遂不求仕究心經術窮極洛閩指要以教鄉邑之來學者無不各成其才事母甚孝謹待寡女兄

如毋迎養從兄之無後者四人課耕自食環堵屢空泊如也歲饑疫民僵死蔽道率僮掩瘞時有遠歸病劇者舟人舁棄里祠中髦遺以湯藥弗治橐有遺貨乃求識其人者歸之有李姑人肩爲第取貨去因以殺弟誣其鄰指髦爲證被逮至傾產或嘆曰行仁義乃得禍耶笑曰事固有狀者矣平居以聖賢爲師一介不輕取予學務躬行不事談說其於道德性命之際終身蓋疊疊焉學者卽所居稱爲右潭先生所著有覆瓿集示兒錄易傳撮要

四子俱仕顯而定獨時名臣

劉觀字崇觀吉水人生有異質自少有巨人志旣就傳經傳子史靡不淹貫下筆辭氣逸發率常屈其名宿正統戊午舉江西鄉試第一明年登進士第未幾以疾告歸尋丁內艱服除遂堅卧不赴杜門謝俗以讀書養性爲已事四方來學者日衆隨才造就縣尹劉晟爲築書院於虎丘山題曰養中取劉子受天地之中以生能者養之以福之義因箴以見志所居四壁書儒先入德造道修己治人之

事以脩觀省復列責志恒心二圖置座右又大書誠明敬義四字各爲箴以示教嘗語諸學者曰小學一書是教人做人樣子到老終須以此立脚又曰吳文正公嘗云一舉作狀元便謂事業子當者鄙人也斯誠確論又曰吾幼見青紫赫奕知進士之貴輒慕爲科舉之學旣卧病京師讀儒先諸性理書乃知科舉上更有此學又輒慕爲之今殊覺進士非貴也或請著述曰朱子吳文正之言尊信足矣何復言間取勤儉恭恕作四箴以教其家

吉安府志

儒行傳

十五

吉

取呂氏鄉約表著之以教其冠鄉婚喪祭悉如朱氏禮家有孤嫠不能自存者隨力周養之觀爲人尚質行終其身飯脫粟服澣袍澹約不異貧生每旦祇謁先聖畢卽凝坐一室竟日無懈容隆寒盛暑不少輟嘗有詩云願做好人清節苦要圖快活令名汚康齋吳與弼嘗誦其言以語人曰觀此足以知其操矣書院之退居曰卧廬學者稱爲卧廬先生

李宗栻字敬甫安福人自其爲童子時已不凡六七

歲與群鬼戲父怒取紙幅畫爲百空格疏之伺下  
責之曰汝卽不願學則遣汝農願則書願字百栳  
乃蒲伏握筆作九十九字而書其尾曰學未造就  
不敢畫書諸父顧見皆大奇之弱冠爲諸生卽自  
歎曰先王設庠序以復性明倫豈徒應舉取科第  
耶思近裏若已以求放心自容止食息必以古聖  
賢爲宗題其讀書之處曰單刀疋馬做去無靠他  
人烈火洪爐煉來方爲己物每學臺試輒見器異  
辭廢不就躁進者多訾其迂迄不爲動其舉念興

行必書之日錄居久之積錄十有七性尤孝居常  
謹晨昏浣衣濯足必躬爲之終其身弗懈年三十  
二卒學者稱寤室先生御史劉陽爲作寤室傳而  
論之曰寤室在往昔獨學無友乃志勤而行篤殊  
非空言異時彬彬稱樂群論說要眇或度越先輩  
狀語篤行不欺求如寤室固難矣

季中字子庸吉水人少從父至隨州爲州弟子正德  
丁卯舉湖廣鄉試第一甲戌登進士授刑部主事  
是時有西僧挾幻術出入不禁宦官居中用事上



疏諫忤 旨謫通衢驛丞歷陞廣西督學副使憫  
俗學支離喪失真性凡教一本於身不事言語常  
曰 璽書載迺正道崇正學此吾職也擇諸生聚  
處五經書院五日登堂講說敷悉自晨至暮不休  
士多興起歷陞廣東右布政使時巡按御史欲罷  
南海番禺吏六十人驗無實面直之御史不樂又  
都御史令以千金賄所親之喪執不可故事平大  
盜布政具宴諸司餽賂數十百金獨舉宴不以賂  
於是都御史與御史交誣坐不職謫四川叅政陞

浙江按察使尋陞右僉都御史巡撫山東又陞右  
副都總督南京糧儲卒于官公氣剛而豪聲吐震  
厲對客終日危坐身不傾倚步趨如有循手容張  
拱人憚其莊狀意態安舒不甚求異言有可采雖  
田夫孺子輒注目傾聽意有不存雖王公大人未  
嘗曲假顏色自入仕至憲副十餘年俸入不足供  
朝夕嘗留客飯貨米乏薪至爨浴器日暮竟不及  
飯而別起艱見時宰無一帕以爲贄及官至崇顯  
而田廬居室敗壁腐椽不蔽風雨狀竟不支一木

覆一瓦爲子孫計興致曠遠飄然自得門人羅文  
恭曰先生之學以求人爲的以閑邪爲端以自作  
主宰不致纖毫之力爲功以生生不息不與以已  
爲體以心正而動自有分殊爲用以脫然無繫常  
如大虛爲樂以遯世無悶不求人知爲至晚年益  
肫肫於隱修嘿省而以虛談爲戒侍其側者未至  
密契固不知先生之爲深也學者稱爲谷平先生  
郭應奎字致祥泰和人旣舉鄉籍與念菴羅先生同  
年一見定交入南雍會大司成甘泉湛公傳白沙

吉安府志

儒行傳

十八

吉

學遂卒業焉舉進士授禮科給事中以建言謫丞  
霍丘歷陞工部郎中移守嘉興罷諸浮蠹不便民  
者久之復密訪各豪猾芟薙之顯宦子弟罹法者  
屬令貪墨者痛懲而疏黜之嘉郡財賦綿帛甲東  
吳織局糧運舊有額外供則下令禁絕之郡中有  
飲水之謠引疾乞歸兩臺潘臬交挽之不能止是  
時鄭淡泉中丞素慎許可疏留稱其直躬潔行有  
古六臣風節而銓部覆奏亦有清謹素著年力未  
衰之語竟不待命解印綬去自是家食者三十年

凡七薦不起杜門卻掃淡泊猶儒生日夕以講學  
爲業時甘泉公年九十矣猶千里裹糧問學天關  
者七越月而歸倡建萃和書院有學約語在萃和  
志中

彭簪字世望安福人正德丁卯舉于鄉爲衡山令十  
年多惠政民生祠之移倅常州爲政務大體不事  
表暴善唐荆川順之攝篆空輿却例供百金或以  
爲病後來者簪曰後令賢必不予非不朕吾亦安  
能以其身預爲不賢者地邑民因事至庭輒諭以

孝弟忠信已又取聖諭加註釋及先正教民語總  
爲諭俗要畧遍布市村令家曉而人習之擢知靖  
州一月拂袖還石屋稱石屋山人邑學士大夫郡  
縣長吏部使者莫不願結一日之歡至相謂曰有  
不造石屋山人不爲俊夫也以是長者之車日交  
于道羅大史念菴數數乘藍輿訪山中簪第以田  
家芋粥糲飯爲供具僮僕或私語謂貴客不宐爾  
公笑曰貴客乃以求鮮腆來耶築玩易艸堂構卧  
雲亭于石屋之上東廓鄒先生特築行窩瞻就艸



已又以建

皆人所不敢言者事雖未迄行

而士論壯之出守惠州罷橋鈇稅擣劇寇巢奏設  
和平縣惠賴以寧歸田四十餘年幽居簡出而獨  
講業於安成於青原遠在石數十里外非疾未嘗  
不亟往嘗偕東廓先生爲衡岳之遊一時唱和沈  
艾陵刻之以傳長洲陸侯風裁振邑中特加敬禮  
則爲陳禦盜殛奸諸要務又佐之行鄉約以化俗  
所居樸陋雞距豚跡交於廳事陸侯遣梓爲新之  
而乃指授區畫依朕雞黍舍也爲學沉潛義理而

吉安府志

儒行傳

二十一

朝

以孝友力踐爲宗嘗戒其子曰爲士人須能忍凍  
餓乃不墮坑塹人有懷數十金求誌銘者公察知  
其人堅謝不敏退語人曰吾能貧不能爲人諛墓  
也其介如此

丑一仁字任之安福人年十五讀書僧舍以大學致  
知格物驗諸心求之不合每夜半起坐苦思及爲  
諸生扁舟越中受業陽明先生於向所求而不合  
者稍稍洞朕旣舉于鄉爲諸暨教諭以所學諭諸  
士用臺察薦 召爲虞衡主事歷都水郎時興作

方繁一意爲綜核節省朕以是忤閹人幾不免出  
守歸德有惠政竟以郡警爲言者論劾罷歸鄉居  
立保甲置義倉淳里俗平其曲直忿爭里人德之  
一仁穎敏通達意有所獨會直去繩削不皦皦自  
矜飾而雅意超朕不受世之滓垢卒之前數日遺  
書其友劉陽曰某不敢不死于君子之手趨往視  
之相對屢日而卒祀郡邑賢祠

賀鈞字信夫廬陵人正德丙子鄉舉性敦厚端謹居  
父母喪哀毀苦塊三年家人嘗失火亟取累世神

吉安府志

儒行傳

三十一

吉

主奔出他資一無所問爲麗水令除苛弛刑而重  
德教見上官不能俯仰隣郡內閣張公方赴召  
馳候絡驛鈞獨不一見改應天教授日與諸生講  
學必依於孝弟忠信聞者畏服贊儀悉却之有強  
之受者則曰吾聞諸生中某貧某病某不能婚塋  
若能助結之卽惠我也他日諸生受助者來謝則  
大喜以爲古道友誼今乃復見又嘗自捐俸以賑  
寒士南宗伯涓厓霍公聞其賢深加敬禮贈以文  
稱其辭不飾以屏僞禮不繕以崇質俗不諧以自

立儀不炫以裏孚誠求自得而無外羨云應天府志列名宦傳中暮年與東廓念菴兩峰師泉見川諸公論學不倦鄉評推爲篤行長者所著有龍岡摘稿子涇舉進士官至廣西按察副使解組歸乃執贄布衣劉兩峰先生之門請事聖學士論高之垂老益專勤日有成課益能承其家學者

周祿字以道廬陵人受學陽明王公之門以貢爲青陽訓導黃岡教諭篤志精修凝神內觀家居常靜坐一室或數月不出其庭戶學以見過爲宗顧諟

之勤瞬息不懈其思深而造微狀簡言晦跡人莫窺其際也聶貞襄公本兵時嘗館之於京邸有邊將求謁者峻拒之及別去聶公資以給驛之文不受也其介如此與劉見川教陳蒙山嘉謨諸同志訂西原惜陰之會每月雖風雨寒暑必赴廬陵士人始知從事聖學實自此始云所著有大學約言緒言二篇其弟祉亦同心倡學以選貢官至肇慶通判

周子恭字欽之吉水人少有異質觸目心解喜用奇

而耻於持下爲文酷似其人有司駭之竟不舉狀  
江以西駿駭知子恭名嘉靖間以增廣生歲貢第  
一授永州府通判至官廉儉逾儒生奉兩親行肉  
食而自蔬食蒞事事已嘿坐或走學官訓諸生經  
義他所行罷率慈惠省約人稱爲周佛子稍遷德  
安府同知丁外艱起補鄖陽未上而卒子恭與念  
菴羅公並師事李谷平先生嘗謂名節不立不可  
以範俗也於是取所聞以自重其身又數年出而  
友四方之士則又以爲議論不一不可以決趨也

吉安府志

儒行傳

二十四

立

於是持所見以自決其學已而爲郡譽大起則又  
以爲內外不達不可以適時也於是據所行以自  
信其心視天下事若無不可爲者或者以子恭志  
大未就不若一行易完也羅公解之曰僅僅自食  
其力者細民也如爲朱頓必取效遠而失筭多固  
孔門取狂遺意也此正可以觀君

劉教字道夫廬陵人嘉靖間舉于鄉爲泰興江陰教  
諭廣平令刑部主事歷陞梧州郡守丁繼母憂服  
闋遂不仕平生清修勵行甘貧茹澹持身如處子



義利之防嚴於一介掌教二庠正身率士風以古  
道治廣平拯恤民瘼切於痾瘵嘗懸褊民如子知  
我者天於座隅以自警在刑署時貴溪分宐柄政  
既同鄉又於分宐爲年家顧引避不往見散衙後  
卽閉戶讀書賦詩自娛巨璫子弟殺人同官疑憚  
不爲訊卽論如法以是受知于司寇聞石塘公恤  
刑江北各郡平反活者無筭守梧州獨携二力以  
行盡裁一切供億冗費魏公一恭譚公大初雅重  
風節亟稱賢焉其學無所不窺 國朝故實尤爲

綜核解組後田廬蕭條比于寒士詩文冲逸夷曠  
類其爲人與周羅山祿陳蒙山嘉謨諸同志訂西  
原惜陰之會廬陵士人素知其行義不俟言說而  
咸尊信之興化李公當國諭指郡大夫勸之仕竟  
稱疾不起所著有論孟筆義暨陽廣平詠史西省  
祇役蒼梧芝亭稿若干

趙弼尹轍俱吉水人羅文恭公所稱爲文江兩生者  
也兩生師事文恭公爲高第弟子弼字子良爲縣  
諸生雅靜寡營因誦傳習錄有感教朕思自慙不

其逐庸流轍字道與舉卿試隸悟不及彌其質直  
朴厚寬慈而善忍過之兩生往來不蓮雪浪間無  
間寒暑求證所得互指瑕疵其形貌俱聳瘠古逸  
嗜欲清寡家極貧狀善奉親弼之學從靜中悟入  
見心體常虛湛一切無能相入自謂得此可旁應  
不疑有問詰者輒搖首微笑不荅終日垂目宴坐  
自適文人過面輒赤心不自禁亦竟莫能作一語  
喜飲酒暢志意轍尤重耻心矜細行而尚大節未  
嘗失辭色於人間談論稍涉高遠目瞿瞿若驚謹

吉安府志

儒行傳

二十六

亥

密內守卽事驗心以至自慊至契悟處挺身捫膺  
若啖異味意津津莫能自述也初授崇明令尋以  
內艱去服除補雲南太和令政清訟簡時時集士  
人談學士人盡信之嘗以疾請攝攝者恣筆楚卽  
復視事或勸之荅曰使病吾民是增吾病也竟以  
勞瘁卒旣卒而部檄以賢能召太和民悲如失怙  
憐其貧競助之歸襯祀于名宦祠時同門有羅文  
祥周忠謝中孚劉教文恭公稱羅善啓發謝能群  
衆周愿介皆蚤卒劉端潔有守嘗受知憲使勸給

兵餉厚遺金以謝不受士論賢之四生皆吉水人  
王釗字子懋安福人家故貧不留意生產食取免饑  
衣取免于凍而獨兢兢于學師陽明王先生而卒  
業于東廓先生學之三十年未嘗一日不切于朋  
友朋友之善喜成之其未善則規規不以諷而以  
直朕其相成之意懇惻切至卽拂耳而人不以為  
怨事父孝事伯兄如其父率其弟鏡鎬其學門內  
雍雍如也以故無問學不學人語及躬行不空談  
必曰王釗云著柳川學語李憲使渭序勅于廣中

吉安府志

儒行傳

二十七

表

康良材字在朝泰和人家貧寄居學舍寡交游授徒  
不問束修衣冠必整趨常翼如鄉人望而敬之應  
貢授四川涪州司訓常捐役俸給助貧生遭時癘  
盛行親臨各生家慰問資其米粥多所濟活尋陞  
漢州學正乞致仕歸良材事母至孝母病時年九  
十五歲良材亦已踰七十猶侍母床前親浣穢器  
垢衣旣歿懸像痛哭三年不絕其純篤類此去涪  
州士子思之得配享伊川先生之廟

王翥泰和人文端公玄孫孝友篤學以鄉薦為莆田

教諭正身率士尋應督學聘開館會城日與八閩  
士子講學明道要歸於躬行實踐不騰口說學者  
敬信之陞國子學錄未行卒門人爲執喪而私謚  
之曰貞穆先生萬曆間知縣唐伯元表其墓而封  
之

王舜鵬字希元萬安人以歲貢授益陽訓導沂水教  
諭乞休性甘苦茹澹敦朴以正家耻事干謂嘗受  
學陽明王公以其說與鄉士大夫諸博士弟子相  
證悟砥礪於雲興書院惓惓汲引老年不倦士論

吉安府志

儒行傳

二十八

成

咸推服之

曾子乾字思健泰和人自少不喜弄顓嗜誦書一過  
目不忘已從父官金壇樛菴王公燁在諸生中才  
而窶與于乾同硯席相得甚懽及父解組出藏金  
授三子盡以讓伯兄庶弟新昏謝客半月人頗訝  
之及出所艸管議二卷非非國語一卷禹貢簡傳  
一卷士爭傳誦後父疾篤多其讓金義出券若干  
曰以償汝掩泣受之竟不取償補邑諸生四方爭  
迎爲子弟師道韻會闕以譏私監外閉糴亦隨阻

吉人仰食于顛嗷嗷狀乃抗書謁督府督府讀其書萬言至屈禮延納開關通糴諸監賈循故事歛厚資納謝弗顧樗菴王公司理吉郡下車驩狀道故竟無私謁時抱重獄求解者盈門卒不可至爲雪雷丞誣及楊氏寃樗菴奉若神明而雷楊弗知也伯兒性嚴急事之若父兄卒撫兄子如已子庶毋沒撫庶弟與庶弟之子如兄子辛酉大饑請發廩不報乃出已資賑里中之貧者對妻子僮僕甚肅郊外緩步如委蛇室中念菴先生招處青原石

吉安府志

儒行傳

三九

蓮者六年曰子從是卑志斯學卽終身可矣後祀鄉賢祠

鄒士元字志伊萬安人以鄉舉授蘄州教諭遷滕縣令廉介自持知代州以憂去未幾免官遂一意聖賢之學每與諸鄉先生相約於青原白下砥切證悟聞安成劉師泉先生之說尤深契之晚年聚邑人士聯雲興會久之恍如有得題其齋壁曰自覺自消自蕩自平脫狀灑狀隨物付形及屬續自謂吾以一空成家云其友人劉檜鍾乾並以篤行稱

郭春渠字以受萬安人少負鉅志聞先輩正論敬聽服行之家故貧弱冠理家或鉅無儲粟亦曠賦不爲意而事親務盡其懽年三十妻死不復娶終其身爲郡學生歲貢序次第二督學使者欲越次拔貢之固讓曰彼序在吾上忍奪之耶時年已五十五矣士論高之踰年始貢授南昌學訓導陞連江教諭用薦者擢國子助教未及任而卒始從鄒文莊羅文恭二先生受學奮勵刻苦習靜歛聚至忘寢食沈潛反覆務求自得如是者數十年無頃刻

少懈求友四方質疑請益不啻飢渴晚歲偶嬰疾杜門兩月恍若有悟貽友人書曰夫性湛然具足不受染汚者也而過與不及其流行發用也非性之罪也性流行發用不能無失故心學焉以易其惡以協于中此精一之功不容已也春渠資近魯而言動必由準繩積困勉之力志行無少疵學者咸推服其篤實有確守云

周賢宣字仲含萬安人歐陽文莊高第弟子也第進士授繕部主事權劑稅搜刮弊孔商民咸稱利藩

校有小艇百餘潛行劫掠號滿江紅者盡取之繩以法往來無梗遷卽中會建 三殿取材川廣公建議議材料積而不用侵損實多奈何復苦諸省之民中貴人難之公不少遷屈竟得請故事大役一興中貴人視爲利窟蠅集其中相緣爲奸公酌佔精覈群闖側目竟出爲延平守至郡以厚風俗正士習爲首務時時引博士弟子誦說經義而一歸於實踐士喁喁向風屬島夷弗靖烽火相望山澤亡命乘隙竊發公用間謀募敢勇潛擣其虛寇患

悉平考績擢海道副使民德而尸就之有永懷祠有崇報祠有安貢堡生祠有撫安碑有遺愛碑其爲海道會倭寇逼城公帥師敗賊衆於漳浦民用無恐廣賊通誅入漳公又帥舟師親躡行陣大破其巢還良家婦女擄者二百餘口是時兵革倥忽分方率諸士講道芝山書院辨義利崇正學訪修潔之士躬禮其廬尋參藩政立條編法民甚稱便遷按察使特抑豪右之患苦小民者尋擢右布政會有修御者假拾遺劾罷公旣解綬與同郡諸君

子結社白雲之巔訓迪後進不爲奇僻語爲根諸  
日用論常使人自求自悟以是賢愚各獲其益嘗  
曰生生之謂易天地之大德曰生此聖學宗旨也  
素耻干謁而邑有大利病則未嘗不盡誠以告邑  
大夫每信而行之鄉人多賴其德焉

歐陽瑜字汝重安福人自少端慤鮮嗜慾從陽明先  
生學雅見器異將別請益先生曰常見自己不是  
此吾六字符也公奉令承教終身力踐之既舉于  
鄉歷數科不就公車曰有老親在王天下不與易

也丁外艱守制不處內者三年既葬廬墓側虎每  
環廬而號不爲動服闋授通州學正萃諸生講論  
剖析幾微及門之士多所成就值州守缺署篆數  
月雪寃抑獎良善輕罰節費民甚安之陞南博士  
去通士立碑紀其德政語在通州志中比至南雍  
大司成松谿程先生故重公與公爲忘分交公又  
以所學授南雍士如其在通州尋以博士被內召  
入京不見權貴或諷以薦賄可致清要公曰吾平  
生所學謂何竟得南大理評事蒞任釋大寃十數



尋晉本寺正陞雲南僉事起艱補廣西清積牘逐  
倡優禁龍舟密捕真盜釋冤獄二十餘人相與尸  
祝之尋奉 敕整飭左江道兵脩南寧土官故驕  
悍爲地方患朕善伺上官意指一中其餌遂束手  
不敢動而獨不能伺隙於公以故慄縮不卒逞其  
私未幾陞四川叅議遂拂袖歸山公在官二十餘  
年所至士民感德其去也莫不哭而送之蓋公以  
至誠待物不設城府故雖無赫赫之名而思之者  
久益不置公旣歸壹意講學以興起後進歲時會

聚雖隆冬盛夏無不赴其所開導力守師說不爲  
竒僻語至其謙虛受人則後生未學有所陳說亟  
稱賞不容口性寬厚鄉人或侮公至詬辱之公絕  
不爲校其自持甚堅少時或有欲敗公守者誘致  
妓館中鑰其門去公爇燈達旦動以羞惡本心妓  
亦感泣具道其不得已之故及明敗公守者啓鑰  
視公燈瞳瞳未滅妓含泣道故其人乃媿謝尹宗  
伯稱公宦遊甘載恒產不及中士年九袞守身恒  
如處子蓋得其近似矣至其好學不倦拳拳焉開

示來哲視民瘼若洞痾在其身而言之惟恐不盡  
斯蓋公之大者云

明朝

胡直 陳嘉謨 鄒德溥 顏鐸 賀泚 李挺

劉淑唐

胡直字正甫號廬山泰和人年十九受學歐陽文莊  
講仁者有生生之心故能好能惡及歌歎乃聲中  
萬古心句豁朕有悟癸卯舉於鄉明年下第歸自  
省忿忿矜名未除飄朕有返舉之志訪羅文恭於

吉安府志

儒行傳

三十四

石蓮洞乃北面焉丙辰成進士授刑部主事與耿  
天臺先生日事學問名益籍相蒿以鄉人故欲引  
爲重公不應蒿不悅出僉湖北復爲叅議督蜀學  
緝聖賢心法以倡多士尋乞歸作閉關錄自警所  
著有翊全錄大虛軒稿求仁志鞭後錄困學日記  
補過日錄及詩文十數卷而析同異示學的則有  
衡齊八篇其畧曰吾儒與他道角吾處吾勝而求  
被負以爲異端彼亦處其勝以求吾負而譏吾之  
未至不平而後有爭爭而不能和則害彼所謂佛

也老也楊也墨也巾韓也彼皆有以自持之吾衡而平之朕後劑而和之則皆爲我用也洙泗後有濂洛濂洛後則吾儒與吾儒角彼此不求是而求相勝曰遵德性也道問學也主靜也致良知也隨處體認也體仁也源一而流漸異吾衡而平之朕後劑而和之而其源湛如也設爲問荅旁通曲喻其文閎博而精深同郡好學皆出其門如府丞廖同春曾令蕪湖安溪兩邑著異績末年倡學萃和書院原本躬行一邑利害知無不言爲先生高第

云

陳嘉謨字世顯號蒙山廬陵人嘉靖丁未進士初仕廬州府推官擢戶科給事中歷吏兵二科爲權相所忌出補四川按察司有廉能聲尋轉湖廣右叅政丁父憂服除起湖廣布政使司左叅政抗疏乞休潜心理學結廬翠峰蓮塘諸勝當路有司罕觀其面常師事彭一菴劉兩峰二先生述彭之言曰學貴不言而躬行惡在以門戶相誇詡言孔子孟周程之所言行孔孟周程之所行疇非學述劉之言

曰學者當思聖賢毋徒以舉業爲也聖賢首格物不徧物而格之求之於吾心也又嘗荅毘陵龔公書有云一貫孔門傳頓教一日天下盡歸仁天下歸仁一以貫之矣又曰學莫大於變化氣質而變化必本於乾道故曰乾道變化聖賢變化其氣質之偏長學者變化其氣質之偏短一本之乾道也著述甚富有四書周易就正稿念初堂存續詩稿道德陰符經註疏二程要語朱陸摘要諸書

鄒德溥字汝光號四山安福人萬曆癸未會試第一

吉安府志

儒行傳

三六

入翰林充經筵日講奉敕修職方志時上御講稍弛公緝二祖八宗召對事爲恭交錄凡九卷以進上省覽嘉納遷洗馬輔導東宮有大臣啓沃風公以春秋起家三較會闈所得士後皆爲名公卿著匡解海內以爲公功不在胡文定下爲人寬大能容無怒色臧獲偶譴以書置其前公取玩輒意釋常以舟載書登萃勝樓閱之匝月而畢休致後侶明正學與陳蒙山羅匡湖南皋諸先生昕夕講研爲世宗工光廟立詔錄講讀功擬以公輔而公已

卽世矣勅所司爲位祭之所著易會學庸宗釋掌  
山草並行於世

顏鐸號山農永新人少從兄鏞聞王文成立志說凝  
神澄慮瞑坐七日夜忘寢食已而豁朕頓悟力希  
聖賢躬行實踐爲族黨講說孝弟使人人感發里  
中立萃和會雍朕躋於仁讓焉母喪必循禮服闋  
問學於四方至京師遇貴溪徐波石先生擬師事  
三年命質於王心齋先生於是以開來爲己任會  
講豫章同仁祠暢發學庸旨士顛景從盱江大儒

羅公汝芳尤嚴事之羅舉平日所得問公公曰此  
制欲非體仁也羅聳朕於稠人中稽首者四公以  
放言得遇縉紳南刑曹業置之死地羅願以身代  
爲之贖公得生全家貧好施予羅又輒隨其所請  
公或怒跪羅於榻前批其頰羅不少動曙而怒解  
始起雖羅公雅量亦公之學有以服人至此也歿  
後三十餘年邑令管正傳請於督學陳公懋德祀  
鄉賢有顏山農集耕樵問荅等書行世同邑賀應  
保亦躬身貧殘無媿醇儒

賀沚字汝定號定齋廬陵人年二十三以易經中隆慶庚午榜幼立志修身攻苦篤學悟大學誠求之義嘆曰士子讀聖賢書不透性命宗旨寧不愧衮影耶官荆門學正歷文昌縣尹政治清簡轉蘇州府丞將赴任詣所師事王塘南先生言別先生曰吾老矣朝夕講論需子相益子去我將如之何言畢淚下公亦淚曰師恩與君恩等沚今出而從王猶是功名路上事何如終身事吾師以畢道德之願乎沚不行矣遂決計侍王先生於西原專志理

吉安府志

儒行傳

三十八

學及王先生捐館執三年喪遂以斯道爲己任與同郡鄒南皋先生講學青原及白鷺書院士大夫多遊其門公嘗語學者曰人生最直舉直錯枉之人愛人不從人起見也率性爲道一語非人傑遂學艱難承當所著有敬止堂日劄圖卦億言道德經集註陰符經釋義述古題箴聖學管窺諸書年八十三重宴鹿鳴歿祀兩學鄉賢

李挺號一吾安福人爲邑諸生師事三五劉先生倡學南里有時瞑目習靜望如木偶邑侯閔公世翔

高其行破格造請邑中興除大利害多所取裁而  
公不言其事有富民爲仇家所中候密以訊公公  
對不知數問乃對曰果係渠惡挺獨不聞乎候領  
之事竟寢又有投匿名書於縣而署名其尾公笑  
曰旣云匿名復自署之詎人情乎候服其敏達釋  
之公中表大宰歐公疾革念公貧授以金不納則  
投以田亦不納歐曰非以云贈實爲托吾孤也公  
曰撫孤性命厚捐誓不敢受公故貧或曰不再食  
歲不易衣晏如也隱行節操不可勝紀授徒甚衆

吉安府志

儒行傳

三九

同里李道卿多隱行其高弟云

劉淑唐號養冲安福人萬曆癸酉鄉薦赴試舟破溺  
水見有人掖而出曰救祁陽賢令後果令祁陽清  
潔自勵在署種蔬菜給朝夕不取於市課民農桑  
丈田糧一邑虛耗無隱北歸正載浯溪一片石遇  
風自思不宐留此亟還本處風止居鄉倡學爲人  
類陳大丘咸稱長者及門甚衆設祀道東書院與  
劉廉節實彭石屋簪諸公稱五先生

吉安府志卷之二十五

畢